



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**


**Apologia Pro Conscientiis infirmis, Sev Responsio Benigna  
Pro securitate dictaminis practici super certa  
probabilitate fundati**

**Fibus, Bartholomaeus  
Schweitzer, Johannes**

**Coloniæ, 1682**

§. Septimvs. De ignorantia juris positivi divini & naturalis.

**urn:nbn:de:hbz:466:1-39304**



## §. SEPTIMVS.

*De ignorantia juris positivi di-  
vini & naturalis.*

I.  Ultis & copiosè super hoc argu-  
mento pertractat Paternitas Vestra,  
calamum fatigans in his, quæ ver-  
bulo refutantur. Maximè autem  
ex variis textibus *S. August.* suadere nititur, non  
dari ignorantiam invincibilem juris divini natu-  
ralis & positivi. Quod etsi ad rem præsentem  
non propriè spectet; ne tamen sibi blandiatur,  
quasi persuaserit, breviter respondeo, longè aliud  
constare i. ex *Alberto Magno qui in 2. dist. 12. a. 2.*  
inquit: *ignorantia juris est duplex; quia quoddam*  
*est jus universale, quod imponitur omnibus ad*  
*sciendum: & quoddam est particulare, quod non*  
*scitur nisi per studium. & puto quod prima est crassa*  
*& supina non excusans; secunda autem excusat vel*  
*à tanto vel à toto.* subfumo contra Vestram Pa-  
ternitatem: si à toto, ergo est inculpabilis & in-  
vincibilis. Idem sed aliis verbis docet *Albertus*  
*Discipulus Angelicus Doctor* i. 2. q. 94. a. 4. in *O.*  
ubi inquit *legem naturæ quoad principia prima*  
*communia esse eandem apud omnes; non autem*  
*quoad quædam propria, quæ sunt quasi conclusiones*  
*principiorum communium.* Neque hilum contra

horum doctrinam evincit Paternitas Vestra ex tot allegatis textibus S. Augustini.

2. Et quidem, quæ de ignorantia juris divini positivi adfert, sunt expressè contra ipsum *Augustinum tr. 87. in Joannem.* Ubi respondet eos, ad quos non venit Christus, non habere excusationem de omni peccato suo: sed de hoc peccato, quo in Christum non crediderunt. Cui conformiter in expressis terminis D. Thomas 2.2. q.10. a.1. docet, quod infidelitas, si accipiatur secundum negationem puram, sicut in illis, qui nihil audierunt de fide, non habeat rationem peccati (propriè dicti) sed pœna: & quod sic infideles damnentur propter alia peccata; non autem propter infidelitatis peccatum.

3. Quid autem videtur, quod ipse *Augustinus lib. I. de sermone Domini c. 29.* non audet peccati eum condemnare, qui concesserat, ut uxor sua concumberet cum creditore, judicans id sibi licere pro evadendâ morte vel carcere? item quod *I. I. de serm. Dom. c. 16.* definire non audet, utrum uxor à viro dimissa vivente illo, absque adulterii malitia possit ducere alium virum? si ipse *Augustinus* hæc definire non audebat, utique quia invincibiliter ignorabat. Si autem in illo inveniebatur talis ignorantia, multò ergo magis in aliis dari potest.

Sed inquit Paternitas Vestra, quod potuisse ego aliud responsum *Augustini* videre §. 4. in oppositione doctrine ipsius contra propositionem §. 10. damnatam. R. ibi *Augustinum* generaliter loqui de adulterio extra circumstantias tales peculiares.

res considerato; vel certè non nisi cum formidine errandi, rem probabiliter exponere. Citati à nobis textus sunt nimis clari: inspiciantur.

4. Confirmatur doctrina hæc per experientiam, quam habent Confessarii complures de pœnitentibus aliquando assuetis vitio, quod est contra naturam, sine conscientiâ peccati. Quòd autem Respondet Paternitas Vestra, *juvenes non audere illud committere coram Parentibus*, atque exinde arguit conscientiam illis dictare, quod talia sint vetita. Respondeo, quod neque alia necessitatis naturalis audeant facere coram honestis: ex quâ tamen verecundiâ naturali in eodem membro, non potest inferri conscientia peccati.

5. Quòd autem dictavi difficile esse, intellectum certo argumento & clarè convincere, quòd aliqua in circumstantiis certis spectata jure naturæ prohibeantur, nimiùm mihi videtur exaggerare Paternitas Vestra in libello, qui curiosis adolescentum etiam Philosophorum & humaniorum manibus teritur &c. possumus dictare verbum in Theologiâ apud prudentes & maturos, quod scandalum patere natum est, si coram parvulis proferatur. Sufficiat Paternitati Vestræ, quòd infanda vitia in dictatis meis asseruerim certò esse prohibita jure naturæ, pro omnibus circumstantiis: & hoc certò sciri & credi à nobis. Frustra studet me in suspicionem trahere apud simplicem lectorem, quasi aliquid periculosè

docuerim in damnatâ ab Innocentio XI. Propositione 48. & 49.

6. Ad postremum apologiae caput progredimur, luculenta exhibituri exempla de eo, quâ sacrosanctè in praxi obseruent & observare student Probabilioristæ legem, quam infirmis misericordum mortalium conscientiis tentant imponeant. Nihil verò attingam, nisi quod extraham ex ipsis met libellis Paternitatis Vestræ de radice. De cæteris ad privatam vitam pertinentibus non est meum judicare. Hoc solùm iterum iterumque opto, ut Deus probabilisticos Doctores non judicet secundum legem, quam statuunt. Deinde à lectore id peto, ne vitio mihi vertat, quod tuendam suscepimus famam, tum communem Societatis, omniumque Doctorum probabilistarum; tum & specialiter meam ita graviter læsam, & vulgatis libellis proclissam. Optabam, fateor, observare potius istud Apostoli *ad Rom. 12.* *Non vosmetipso defendentes charissimi;* sed tacere vetant circumstantiæ statûs & functionis meæ, in quâ parùm fructificare potero in Christo, nisi possessionem bonæ famæ retineam. Qui scribit, & reculis libellis ea spargit, quæ vult; audiat, quæ non vult.

\* \*

\*

RES